



Bosnia and Herzegovina
Federation of Bosnia and Herzegovina
CANTON SARAJEVO
Anti-Corruption Office

Broj: 20-04-40594-4/25 A.K.
Sarajevo, 12.11.2025. godine

Na osnovu člana 19. st. (1) i (2) i člana 23. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije Kantona Sarajevo (u daljem tekstu: Ured) donosi:

O D L U K U

(1) Nakon provedenog postupka utvrđivanja postojanja sukoba interesa za Zeković Mirzu, Ured je utvrdio postojanje sukoba interesa za imenovanog, jer isti obavlja dvije javne funkcije, i to javnu funkciju člana Komisije za obrazovanje u Općini Centar Sarajevo i javnu funkciju člana Školskog odbora u J.U. O.Š. „Mehmed-beg Kapetanović Ljubušak“ Sarajevo, što predstavlja povredu člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Zeković Mirza da podnese ostavku ili da na drugi način odstupi sa jedne nespojive javne funkcije navedene u tački (1) ove odluke, i to u roku od 30 dana od dana prijema ove odluke, te da o istom obavijesti Ured za borbu protiv korupcije Kantona Sarajevo.

O b r a z l o ž e n j e

Ured je zaprimio 24.07.2025. godine anonimni zahtjev za pokretanje postupka za utvrđivanje postojanja sukoba interesa u kojem se navodi da Zeković Mirza istovremeno obavlja dvije javne funkcije, i to: javnu funkciju člana Komisije za obrazovanje u Općini Centar Sarajevo i javnu funkciju člana Školskog odbora u J.U. O.Š. „Mehmed-beg Kapetanović Ljubušak“ Sarajevo, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno. U cilju utvrđivanja postojanja sukoba interesa u predmetnom slučaju, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured je pokrenuo i proveo postupak za utvrđivanje postojanja sukoba interesa u predmetnom slučaju. Ovaj Ured je Rješenjem broj: 20-04-40594/25 A.K. od 28.07.2025. godine, pokrenuo postupak za utvrđivanje postojanja sukoba interesa za Zeković Mirzu.

Ured je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-04-40594-1/25 A.K. od 28.07.2025. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanog o pokrenutom postupku za utvrđivanje postojanja sukoba interesa, i zatražio pismeno izjašnjenje na navode iz ove obavijesti. U prilogu navedene obavijesti imenovanom je dostavljeno Rješenje broj: 20-04-40594/25 A.K. od 28.07.2025. godine.

Do dana sačinjavanja ove odluke, imenovani nije dostavio Uredu izjašnjenje na navode iz Obavijesti o pokretanju postupka za utvrđivanje postojanja sukoba interesa i zahtjeva za pismeno izjašnjenje.

U cilju pravilnog odlučivanja u predmetnom slučaju, Ured je uputio Zahtjev za dostavljanje informacije i dokaza, broj: 20-04-40594-2/25 A.K. od 19.08.2025. godine prema J.U. OŠ „Mehmed-beg Kapetanović Ljubušak“, i to u pogledu dostavljanja informacije ko su trenutni članovi Školskog odbora J.U. OŠ. „Mehmed-beg Kapetanović Ljubušak“, kao i kopiju akta koji reguliše predmetno imenovanje.

Dana 10.08.2025. godine Ured je zaprimio akt J.U. OŠ. „Mehmed-beg Kapetanović Ljubušak“ u kojem između ostalog, navode da je predstavnik radnika Zeković Mirza trenutni član Školskog odbora J.U. OŠ. „Mehmed-beg Kapetanović Ljubušak“. U prilogu akta su dostavili i Rješenje o imenovanju predsjednika i članova Školskog odbora Javne ustanove Osnovna škola „Mehmed-beg Kapetanović Ljubušak“, broj: 02-04-725-18.11/22 od 13.01.2022. godine **kojim je Vlada Kantona Sarajevo, imenovala Zeković Mirzu za člana Školskog odbora J.U. OŠ. „Mehmed-beg Kapetanović Ljubušak“.**

Također, Ured je dana 12.08.2025. godine zaprimio Informaciju Općinskog vijeća Općine Centar Sarajevo, broj: 01-04-94/25 od 08.08.2025. godine sa spiskom komisija/radnih tijela i trenutnih članova istih u kojoj se između ostalog pod rimskim brojem VII. navodi da je **Mirza Zeković trenutno član Komisije za obrazovanje u Općinskom vijeću Centar.**

Imajući u vidu navedene zakonske odredbe, kao i član 2., stav (1), tačka c), koji propisuje da se nosiocima javne funkcije smatraju, između ostalih i druga lica koja su izabrana ili imenovana ili je za njihov izbor ili imenovanje data saglasnost od strane Skupštine, Gradskog vijeća Grada Sarajeva, **općinskog vijeća, Vlade, Gradonačelnika ili načelnika**, te činjenicu da imenovani istovremeno obavlja dvije javne funkcije i to javnu funkciju člana Komisije za obrazovanje u Općini Centar Sarajevo i javnu funkciju člana Školskog odbora u J.U. OŠ. „Mehmed-beg Kapetanović Ljubušak“ Sarajevo, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo, Ured je utvrdio postojanje sukoba interesa za Zeković Mirzu.

Nosilac javnih funkcija, Zeković Mirza, dužan je u roku od 30 dana od dana prijema ove odluke, podnijeti ostavku ili da na drugi način odstupi sa jedne nespojive javne funkcije koje istovremeno obavlja i o tome pismeno obavijestiti Ured za borbu protiv korupcije Kantona Sarajevo.

Shodno navedenom, Ured za borbu protiv korupcije Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

Pouka o pravnom lijeku: Ova odluka je konačna i protiv iste nosilac javnih funkcija može pokrenuti upravni spor.

ŠEF UREDA

Merduan Kafedžić

Dostaviti:

1. Imenovanom (Mirza Zeković, Dejzina Bikića br. 113. 71 000 Sarajevo),
2. Za objavu na internet stranici Ureda za borbu protiv korupcije Kantona Sarajevo,
3. a/a.

